



Memoria económica e de transparencia do convenio para concesión dunha subvención directa entre a Axencia Galega de Desenvolvemento Rural (Agader) e o Concello de Monterrei para o proxecto senlleiro "*Obras de conservación e mantemento da fonte e lavadoiro na contorna do Castelo de Monterrei*", orientado á conservación do seu patrimonio e á súa promoción a través da súa recuperación para o ocio e a cultura e a mellora da calidade de vida da poboación local.

Expediente: CNV21_14

PRIMEIRO.- Antecedentes e obxectivos

Axencia Galega de Desenvolvemento Rural (en adiante, Agader), con CIF Q-1500273F, creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro). Segundo o artigo 6 da Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), a Agader é unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

De conformidade co disposto nesta normativa, compete a Agader, entre outras funcións:





- Elaborar estratexias e plans integrados de valorización do medio rural, que coordinen actuacións de diversa natureza e contén coa participación dos axentes socioeconómicos públicos e privados.
- Artellar proxectos de desenvolvemento rural con carácter piloto e innovador, dirixidos al reforzamento da base produtiva das áreas rurais, á valorización dos seus recursos e á mellora da calidade de vida dos seus habitantes.
- Promover e favorecer a cooperación entre os axentes públicos e privados cuxas actuacións incidan directa ou indirectamente no desenvolvemento das zonas rurais
- Contribuír ao reforzamento del tecido social e á mellora da capacidade organizativa das áreas rurais.
- Aplicar outras medidas e actuacións que teñan por obxecto, en particular, a dinamización do tecido produtivo e á fixación de poboación nas áreas rurais.

Neste marco, e na liña de exercicios precedentes, Agader pretende apoiar aqueles proxectos senlleiros que, pola súa transcendencia turística, cultural –tamén etnográfica e patrimonial-, e/ou paisaxística incidan tanto na preservación do valores sociais do rural e da propia relación dos seus habitantes co seu medio, como na mellora dos servizos educativos, turísticos culturais e de lecer, fortalecemento do orgullo rural, da potenciación do interese polo territorio e polo tanto do seu desenvolvemento.

Trátase de proxectos que inciden de forma directa na mellora da calidade de vida da poboación rural, co fin de facer desta contorna un lugar máis atractivo e dinámico, co fin último de atraer e fixar poboación e promover o desenvolvemento do tecido produtivo.

Con este horizonte actuarase nas estruturas e infraestruturas descritas nos propios convenios, por considerar que son uns dos alicerces nos cales se deben soste as políticas de fixación de poboación durante os vindeiros anos.





Por outro lado os concellos, como entidades máximas da representación do seu territorio, eríxense como referentes na potenciación de actuacións que favorezan o desenvolvemento do seu entorno. Estes proxectos senlleiros na Comunidade Autónoma reforzan tanto o potencial do concello como entidade coordinadora do desenvolvemento socioeconómico do seu territorio, como o su potencial territorial como unidade xeográfica.

SEGUNDO.- Xustificación do interese público e social da actuación proposta

Nos termos previstos no artigo 19.4 da Lei 9/2007, do 13 de xuño, de subvencións de Galicia, poderán concederse de forma directa, con carácter excepcional, as subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria. A Agader e os concellos son conscientes da necesidade de favorecer a contorna rural, a preservación do patrimonio que alberga e a promoción do seu potencial turístico e económico, de xeito que se mellore tanto a calidade de vida da poboación, mediante unha adecuación oferta no ámbito do ocio, o deporte, a cultura, e/ou sectores produtivos e se preste unha completa gama de servizos básicos que melloren as condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

Neste caso, a singularidade do proxecto do Concello de Monterrei reside na propia singularidade duns bens situados na contorna do Castelo de Monterrei, concretamente, a conservación e mantemento da fonte e lavadoiro na contorna deste emblemático BIC de Galicia. Cómpre salientar que este hito do patrimonio cultural galego atópase asímesmo no Camiño de Santiago.

Co este proxecto, o concello procura a rendabilización sociocultural de elementos na contorna dun BIC, que supón un valor patrimonial que explotado





adecuadamente pódese engadir ao conxunto de valores culturais a preservar e potenciar na zona.

Para levar acabo a actuación proposta, o Concello de Monterrei presentou a Agader un proxecto cun orzamento desglosado para levar acabo no marco do convenio referenciado no encabezamento.

Nesta memoria descríbense as actuacións e investimentos que se pretenden realizar que consisten en síntese:

No tocante á fonte, actuacións previas de valado perimetral, limpeza e saneamentos, rexuntado de xuntas, recolocación de sillares e inxerto de granito, impermeabilizacións e realización de 2 canos.

No tocante ao lavadoiro, actuacións previas de valado perimetral, movemento de terras, control arqueolóxico, limpeza e saneamentos, rexuntado de xuntas, recolocación de sillares e inxerto de granito, impermeabilizacións e realización de pezas de cono e canal para rebosadero en pedra granítica, a restauración da grapa de forxa e revisión de emplomaduras, realización de grapa de anclaxe de sillares , e realización de 3 canos.

Para estas actuacións, a directora xeral do Patrimonio Cultural da Consellería de Cultura, Educación e Universidade, resolve o 20.10.2021, autorizar as obras de conservación e matnemento da fonte e lavadoiro do Castelo de Monterrei, coas condicións incluídas no texto da propia resolución, isto é:

- Supervisión arqueolóxica
- As obras a realizar que leven consigo remocións de terras no subsolo, teranse que realizar baixo control arqueolóxico, presencial, continuo e a pé de obra.
- Se é necesario utilizar material de préstamo sería coherente co existente na zona, de xeito que o acabado quede o máis natural posible.
- As áreas destinadas a amorear material, paso de maquinaria, colectores de residuos e estacionar os vehículos vinculados coas obras situaranse fóra do





Camiño de Santiago e apartados da visión dende este, así como fóra dos contornos de protección dos elementos de patrimonio cultural.

Esta autorización foi concedida sen prexuízo doutras autorizacións, licenzas ou permisos que foran necesarios, se é o caso, por aplicación doutras lexislacións sectoriais.

TERCEIRO.- Financiación

Para poder levar acabo estas actuacións, a Agader e o Concello de Monterrei pretende levar acabo un convenio para a concesión dunha subvención directa para o proxecto arriba referenciado por un período de vixencia que abrangue dende a data da súa sinatura e ata o 10 de decembro de 2021.

- PROXECTO "Obras de conservación e mantemento da fonte e lavadoiro na contorna do Castelo de Monterrei" no Concelo de Monterrei.
- ORZAMENTO 2021: Corenta e tres mil cento noventa e sete euros (43.197 €).
- Aplicación orzamentaria 14.A1.712A.760.0 –(Agader- 02.01-17/03/00-656701) –Código proxecto 2017 00003 dos orzamentos de Agader para o ano 2021 "Actuacións senlleiras de mellora do patrimonio rural".

Actividades a desenvolver:

Unidades	Concepto	Prezo ud.	Total
1	FONTE. ACTUACIÓNS PREVIAS. VALADO OBRA	285,00 €	285,00 €
1	FONTE. LIMPEZA E SANEAMENTOS	4.082,50 €	4.082,50 €
65	FONTE. REXUNTE MORTERO CAL	23,00 €	1.495,00 €
1	FONTE. CANTERÍA	660,00 €	660,00 €
1	FONTE IMPERMEABILIZACIÓNS	2.245,00 €	2.245,00 €
1	FONTE. CAÑOS.	370,00 €	370,00 €
1	LAVADOIRO. ACTUACIÓNS PREVIAS. VALADO OBRA. MOVEMENTO DE TERRAS. CONTROL ARQUEOLÓXICO	1.724,50 €	1.724,50 €
1	LAVADOIRO. LIMPEZA E SANEAMENTOS	6.235,00 €	6.235,00 €
128	LAVADOIRO. REXUNTE MORTERO CAL	21,00 €	2.688,00 €
1	LAVADOIRO. CANTERÍA E CERRAXERÍA	4.630,00 €	4.630,00 €
1	LAVADOIRO. IMPERMEABILIZACIÓNS.	4.345,00 €	4.345,00 €
1	LAVADOIRO. CAÑOS	600,00 €	600,00 €
1	CARTEL OBRA	100,00 €	100,00 €
1	XESTIÓN RESIDUOS	540,00 €	540,00 €





ORZAMENTO DE EXECUCIÓN MATERIAL		30.000,00 €
Gastos Generales	13%	3.900,00 €
Beneficio Industrial	6%	1.800,00 €
I.V.E.	21%	7.497,00 €
ORZAMENTO TOTAL POR CONTRATA		43.197,00 €

Nos termos previstos no artigo 26 da Lei 9/2007, do 13 de xuño, de subvencións de Galicia, as subvencións previstas canalizaranse a través de convenios subscritos con concellos, en canto entidades beneficiarias das axudas previstas.

Na tramitación administrativa destes expedientes incorporaranse os seguintes informes:

- Informe da D.X de Orzamentos
- Informe da Asesoría Xurídica Xeral
- Informe da Intervención Xeral da Comunidade Autónoma.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura dixital.

A directora xeral de Agader

Inés Santé Riveira

